

# ତୀମଥୁଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର ତିମତିନେ ଡାଗ୍ରା ପାଉଲ୍‌ନେ ପର୍ତୁଗୁ ଉଲିଆଃ

## ତିମତି ବଇ ବିସୟରେ ଉଃଡ଼ିକ୍ଲିଗ୍ ସାମୁଆଁ

ପର୍ତୁଗୁ ତିମତି ବଇ ମୁଇଁ ଉଲିଆ ପ୍ରେରିଡ଼ ପାଉଲ୍ ମେଁନେ ସିସ୍  
ତିମତିକେ ଗୁଆର୍ ବକେ । ପର୍ତୁଗୁ ତିମତି ଡିଙ୍ଗ୍‌ପାରେ ପାକାପାକି  
୨୨-୨୪ କ୍ରିସ୍ଟୁଇରେ ଜିସୁ କ୍ରିସ୍ଟୁନେ ଜନମ୍ ଇଡ଼ିଙ୍ଗ୍ ଗୁଆର୍ ବକେ  
। ଡିଙ୍ଗ୍‌ପାରେ ଏନ୍ ପାଉଲ୍‌ନେ ଜିବନ୍‌ନେ ସାରାସାରି ବେଲା ।  
ପାଉଲ୍‌ନେ ଏତେ ତିମତିନେ ଜାବର୍ ସମ୍ପର୍କ ଲେଃକେ ମେଁ ଗୁଲୁଏ  
ବେଲା ତିମତିକେ ଉଂଡେ ରକମ୍ କେମ୍ୟାକେ ପ୍ରେରିଡ଼ ୨:୨୨; ୧  
ତିମତି ୧:୨; ୧:୧୮ । ଏନ୍ ପାଉଲ୍ ବାନ୍ ଗୁଆର୍‌କେ ଅ଼ିକ୍ଲିଗ୍ ରେମୁଆଁ  
ଉଲିଆ ବିଡ୍ରେ ଏନ୍ ମୁଇଁ । ବିନ୍ ଊ଼ିକ୍ଲିଗ୍ ବଇ ୨ ତିମତି ବାରି ପିଲିମନ୍  
। ପର୍ତୁଗୁ ତିମତିନ୍ନିଆ ମଣ୍ଡଲିନେ ଗୁଲୁଏ ପାର୍ତନା ବିସୟରେ  
ଲେଃକେ ୨:୧-୫ ।

ଏନ୍‌ବିଡ୍ରେ ମଣ୍ଡଲିନେ ନେତାଈଁନେ ଦରକାର୍ ବିସୟରେ  
କେଡିଙ୍ଗ୍ ୩:୧-୧୩ ବାରି ମିର୍ ଗୁରୁଈଁନେ ବିସୟରେ ତରକ୍  
ଆଡିଙ୍ଗ୍‌ନେ ଲେଃକେ ୧:୩-୧୧; ୪:୧-୫; ୬:୨-୫ ।

ମଣ୍ଡଲି ବିଡ୍ରେ ତିମତି ତିରକମ୍ ମୁଇଁ ନେତା ଡିଙ୍ଗ୍‌ନେ ଦରକାର୍  
ଆତାନ୍ ପାଉଲ୍ ଉପଦେସ୍ ବିନେ ବିସୟରେ ବାସଙ୍ଗ୍ ଡିଙ୍ଗ୍‌କେ ।  
ପର୍ତୁଗୁ ତିମତିନ୍ନିଆ ଏବେ ଇନି ମଣ୍ଡଲିଈଁନେ କାମ୍ ଡିଙ୍ଗ୍ ନ୍‌ସା  
ମଣ୍ଡଲିନେ ନେତାଈଁକେ ଗୁଲୁଏ ମୁଲ୍ ସାମୁଆଁ ବାସଙ୍ଗ୍‌ଆର୍‌ଏ ।

### ସାସ୍ତ୍ର ବିଡ୍ରେ ଲେଃକେ ସାମୁଆଁଈଁ

- ୧. ପାଉଲ୍ ତିମତିକେ ସାର୍ଲତେ ଗୁଆର୍‌ନେ ଆରାମ୍ ଡିଙ୍ଗ୍ ବକେ ।  
୧:୧-୨
- ୨. ପାଉଲ୍ ତିମତିକେ ମିର୍ ଗୁରୁଈଁନେ ବିସୟରେ ତରକ୍  
ଆଡିଙ୍ଗ୍‌କେ । ୧:୩-୧୧
- ୩. କ୍ରିସ୍ଟୁନେ ଡାଗ୍ରା ପାଉଲ୍‌ନେ ସାର୍ଲନେ । ୧:୧୨-୧୯

୪. ପାଉଁଳ ମଣ୍ଡଳିନେ ସେବା କାମ୍ ବାରି ନେତାଙ୍କଂନେ ବିସୟରେ  
ତିମତିକେ ଆଦେସ୍ ବିଷତିଂକେ । ୨-୩  
୫. ତିମତିକେ ପାଉଁଳ ସାରାସାରି ଆଦେସ୍ । ୪-୬

୧ ଆମ୍ ଶ୍ରେ ନିଜେ ଇସ୍ପର୍ ବାରି ନେଁଙ୍କଂନେ ଆସା ବରସାନେ  
କିସ୍ତ ଜିସୁନେ ଆଦେସ୍ ରକମ୍ ତିଂଚେ ପାଙ୍ଗ୍ ଲେଖକେ ପାଉଁଳ ।

୨\*ମେଁନେ ଦରମ୍ ଉଙ୍ଗ୍ତେ ତିମତିନେ ତାଗ୍ରା ଗୁଆର୍ ବକ୍ତେ ଉଲିଆ  
ଆବା ଇସ୍ପର୍ ଆରି ନେଁଙ୍କଂନେ ମାପୁ କିସ୍ତ ଜିସୁ ଆପେକେ ଲିବିସ  
ଆସିର୍ବାଦ୍ ଆରି ସାନ୍ତି ବିଷଲେଖ ।

### ଦଦ୍ୟା ଗିଆନ୍‌ବାନ୍ ତରକ୍ ଲାଖଲାପା

୩ ନେଙ୍ଗ୍ ମାସିଦୋନିଆନ୍ନିଆ ଖେନେ ବେଲା ଆପେକେ ବାସଙ୍ଗ୍  
ବକ୍ତେ ରକମ୍ ପେ ଏଫିସିୟନ୍ନିଆ ଲାଖଲାପା । ଆଡ୍ ଅରିଆ ଉଡ୍ଡିରୁଆ  
ବୁଲ୍ ବୁଦି ସାପା ବିଆର୍ତିଂକେ ଆମେଇଂକେ ବୁଲ୍ ଗ୍ୟାନ୍ ଆବିଗପା  
ତାଗ୍ତେ ବାସଙ୍ଗ୍ପା; ୪ ମେଇଂ ମନ୍ ବାବ୍‌ନା ଉସ୍ରା ବାରି ଅସସେଶ୍ରେଇଂ  
ଗୁଲେ ବଂସ୍‌କୁଲ୍ ତିଆର୍ ତିଙ୍ଗ୍‌ନେ ଲାଗେ ଲେଖଆରକେ । ଆଡେନ୍  
ସାପା ଆନ୍ତାର୍ ନସା ଆମେଇଂକେ ବୁଦି ବିଷପା ତାଗ୍ଲା ଆଡେନ୍ ମାତର୍  
ଦରକାର୍ ଶୁ ଅଡ୍‌କା ଅଡ୍‌କି ତିଆର୍ ତିଙ୍ଗ୍‌ଏ । ଆଣ୍ଡିନେ ଦରମ୍  
ବିସ୍‌ବାସ୍‌ନିଆ ଇସ୍ପର୍‌ନେ ଇକ୍‌ଚା ମ୍ୟା ତିଙ୍ଗ୍‌ଏ ଏନ୍ ସାପା ଆମେ କସ୍  
ବିଏ । ୫ ପରଟଲ୍ ଗାଗ୍‌ଡେ, ପରଟଲ୍ ବୁଦି ଆରି ସଡ୍ ବିସ୍‌ବାସ୍‌ବାନ୍  
ଆଣ୍ଡିନେ ଆଲାଦ୍ ତିଆର୍ ତିଙ୍ଗ୍‌ଏ, ଆଲାଦ୍‌କେ ଜାଗ୍‌ରଡ୍ ଆଃତିଂ ନସା  
ନେଙ୍ଗ୍ ଆକେନ୍ ଆଦେସ୍ ବିଷଣ୍ଡିଂ । ୬ ଉଡ୍ଡି ରେମୁଆଁ ଏନ୍ ମ୍ଲାଃ ବିସୟ୍  
ଇଂ ଆବବିଚେ ସରାଃ ଅଡ୍‌କା ଅଡ୍‌କିନ୍ନିଆ ଗାଲି ଆବବି ପେବକେ ।  
୭ ମେଇଂ ନିୟମନେ ଗୁରୁ ତିଙ୍ଗ୍‌ନେସା ଇକ୍‌ଚା ତିଙ୍ଗ୍‌ଆରଏ ମାତର୍  
ଆଣ୍ଡିନେ ବିସୟ୍‌ରେ ନିମାଣ୍ଡା ବୁଦି ବିଆରଏ ଆଡେନ୍ ନିଜେ ଆରୁଜେ  
ଆର୍ ଶୁ ।

୮ ନେ ମ୍ୟାନେଲେକେ ଜେ ନିଅମ୍ ନିମାଣ୍ଡା ବେବଆର୍ ତିଙ୍ଗ୍‌ଲା  
ଆଡାନ୍ ନିମାଣ୍ଡା । ୯ ନେ ଏନ୍ ତିଙ୍ଗ୍ ମ୍ୟାନେଲେଖକେ ଜେ ନିମାଣ୍ଡା  
ରେମୁଆଁଇଂ ନସା ନିଅମ୍ ଦରକାର୍ ଶୁ । ଆଣ୍ଡିନେ ରେମୁଆଁଇଂ ନିଅମ୍  
ବିରଦି ଆରି ଆଦେସ୍ ମାନେଃଶ୍ରେ ଶୁ ମେଇଂ ନସା ନିଅମ୍ ତିଆର୍

☆ ୧:୨ ୧:୨ ପ୍ରେରିଡ୍ ୧୭:୧.

ଡିଙ୍ଗ ଲେଖ । ଜାଣେଇଁ ପରମେସର ବିରଦ୍ ଆରି ପାପି ଅପବିତ୍ର ଦରମଣ୍ଡ ଇୟାଙ୍ଗ ଆବାକେ ବାଗୁଏଃନେ ଶୁଲା ରେମୁଆଁ ବାଗୁଏଃନେ <sup>୧୦</sup> ଅଡ଼ାରେଗ୍ ରେମୁଆଁ ଆସବାକ୍ କାମ୍ ରେମୁଆଁ ଡଙ୍ଗା ନାଲେ ସାକି ବିସ୍ବାସ୍ ବାକ୍ଷେଣ୍ଟେ ବାରି ଜାଣେଇଁ ସାପାରେ ସତ୍ ସିକ୍ୟାନ୍ନିଆ ବିରଦ୍ ତିଆରଏ । ମେଇଁନେ ନ୍‌ସା ତିଆର ତିଲେଖକେ । <sup>୧୧</sup> ଏନ୍ ଆଦେସ୍ ପରମେସର ଆନେଙ୍ଗ୍ ବାସଙ୍ଗ୍ ନ୍‌ସା ବିବକ୍ଟେ ନିମାଣ୍ଡା ସାମୁଆଁ ଗୁଆରବକେ । ଏନ୍ ମଇମାମୟ ନିମାଣ୍ଡାସାମୁଆଁ ମ୍ବାଃ ଆବା ପରମେସରକେ ବାନ୍ ପାଙ୍ଗ୍ଲେଖକେ ।

### ଇସ୍ପରନେ ଦୟା ନ୍‌ସା ଦନ୍ୟବାଦ୍

<sup>୧୨</sup> ନେଙ୍ଗ୍ ଆଡ଼ାଡ଼ା ଆସା ବଚେ ଏନ୍ ସେବା କାମ୍ନିଆ ସ୍ତ୍ରୀ ବଲା ନେଙ୍ଗ୍ ନେନେ ମାପୁ କିସ୍ତ ଜିସୁକେ ଦନ୍ୟବାଦ୍ ମ୍ବିଏ । ମେଁ ଆନେଙ୍ଗ୍ ବପୁ ବିଏ । <sup>୧୩</sup> ✨ଅଃସେ ନେଙ୍ଗ୍ ଜିସୁନେ ବିରଦ୍ରେ ବାସଙ୍ଗ୍ ମୁକେ ଆମେକେ ନିନ୍ଦା ବିମୁକେ ଆରି ଆମେକେ ବାଦେକେ ରକମ୍ କାମ୍ଲେଁ ଡିଙ୍ଗ୍ ମୁକେ । ମାତର୍ ନେଙ୍ଗ୍ ମେଃନେ ଶ୍ରିଂକେ ଡାଗ୍ରେ ମ୍ୟା ନାଁ ଲେଖଲା ପରମେସର ଆନେଙ୍ଗ୍ ଦୟା ତିଙ୍ଗ୍କେ । ଅବିସ୍ବାସି ଲେଖକେଲା ନେଙ୍ଗ୍ ଦେଡ୍ ରକମ୍ ତିଙ୍ଗ୍ ମୁକେ । <sup>୧୪</sup> ମାତର୍ ମାପୁନେ ଲିବିସ ଆନେଙ୍ଗ୍ ମାଲେ ବାବ୍ରେ ମିଲେଖକେ । ଆଡେନ୍ ଲିବିସ ଏଡେ କିସ୍ତ ଜିସୁନେ ଡାଗ୍ ଲେଖକ୍ଟେ ବିସ୍ବାସ୍ ଆରି ଆଲାଦ୍ ଆନେଙ୍ଗ୍ ମିଲେଖକେ । <sup>୧୫</sup> ପାପିଙ୍ଗ୍ରେ ଉଦାର୍ ଆଡିଙ୍ଗ୍ ନ୍‌ସା କିସ୍ତ ଜିସୁ ମଞ୍ଚପୁରନ୍ନିଆ ପାଙ୍ଗ୍ଲେଖକେ ଏନ୍ ମୁଇଙ୍ଗ୍ ସଡେଆଃ ସତ୍ ସାପାରେ ଆକେନ୍କେ ବଲ୍ ବାବ୍ରେ ଗୁଅନ୍ ତିଙ୍ଗ୍ନେ ଦରକାର୍ । ଆଡେନ୍ ପାପିଙ୍ଗ୍ନେ ବିଡ୍ରେ ନେଙ୍ଗ୍ ସାପାରେନେ ବାନ୍ ମ୍ବା ପାପି । <sup>୧୬</sup> ଡେଲାଡିଗ୍ ଜାଣେଇଁ ବବିଷ୍ୟତ୍ କାଲ୍ନିଆ ମାଡାନେ ଜିବନ୍ ବାନ୍‌ସା ଜିସୁ କିସ୍ତନେ ଡାଗ୍ ବିସ୍ବାସ୍ ତିଙ୍ଗ୍ଆରଏ ମେଁଇଁନେ ଡାଗ୍ ରିନ୍ ତିଙ୍ଗ୍ ନ୍‌ସା ନେଙ୍ଗ୍ ଜେ ମ୍ବା ପାପି ନେଙ୍ଗ୍ ଡାଗ୍ ଜିସୁନେ ସାମ୍ବାଲେନେ ବପୁ ଆଃନାବକେ । ଏନ୍‌ସା ନେଙ୍ଗ୍ ଦୟା ବାଲ୍ଲେକେ । <sup>୧୭</sup> ସାପା ମଞ୍ଚପୁରନେ ଆନ୍ଦାକ୍ଟେ ମୁଇଁ ଆଃ ଇସ୍ପର ମାଡାନେ କାଲ୍ନେ ଇଃସାଙ୍ଗ୍ ଜୁଗ୍ ଜୁଗ୍ ସନ୍‌ମାନ୍ ବାରି ମ୍ବାଃ ତିଙ୍ଗ୍ଲେଖ । ଆମେନ୍ ।

✨ ୧:୧୩ ୧:୧୩ ପ୍ରେରିଡ୍ ୮:୩; ୯:୪,୫.

୧୮ ଉଠେ ଡିମତି ନାନେ ବିସୟରେ ପୁର୍ବେବାନ୍ ନ୍ମାଲେଃକ୍ସେ ସୁନ୍ଦର୍ ସାମୁଆଁ ଅନୁସାରେ ନେଙ୍ଗ ଆନାକେ ଏନ୍ ଆଦେସ୍ ବିଃଣ୍ଡିଂ । ତିରକମ୍ ନା ଆଡେନ୍ ସାପା ସାମୁଆଁ ସାଇଜରେ ନିମାଣ୍ଡା ଜୁଦ୍ ତିଙ୍ଗ୍ ନାୟାଏ । ୧୯ ବିସ୍ବାସ୍ ତିଂ ଲାଃଲୀପା । ମେଃନି ନିମାଣ୍ଡା ତାଗ୍ତେ ବାବେ ପେଡିଙ୍ଗ୍ ଆଡେନ୍ ତିଙ୍ଗ୍ପା । ଉଡି ରେମୁଆଁ ଆକେନ୍ ଆଡିଙ୍ଗ୍ ଆରକେ ଶୁ । ତେସା ମେଁଇଂନେ ବିସ୍ବାସ୍ ନସ୍ତୁ ତିଙ୍ଗ୍କେ । ୨୦ କ୍ଲେଇଂନେ ବିଡ୍ରେ ହୁମନାୟ ବାରି ଆଲେକ୍ଜାଣ୍ଡାର୍ ଲେଃଆରକେ । କ୍ଲେଇଂ ତିରକମ୍ ସାସନ୍ ବାଚେ ଇସପର୍ ନିନ୍ଦା ଆଃଡିଂ ଆର୍ଏ ଶୁ । ଏନ୍ସା ନେଙ୍ଗ୍ କ୍ଲେଇଂକେ ଗଲିଆ ଡିନ୍ନିଆ ବିମ୍ବକେ ।

## ୨

### ମଣ୍ଡଲିନେ ପାର୍ତନା ନିଅମ୍

୧ ନେଙ୍ଗ୍ ସେନ୍ଦୁର୍ ଗୁଆରି ଶ୍ରିଙ୍ଗ୍ଏ ପାର୍ତନା ତିଙ୍ଗ୍ନେ ବେଲା ସାପାରେ ନ୍ସା ଇସ୍ପର୍ନେ ତାଗ୍ରା ପାର୍ତନା ନିବେଦନ ବାରି ଦନ୍ୟବାଦ୍ ଆମ୍ୟାପା ୨ ଦେକ୍ ରକମ୍ ବିନ୍ ବିନ୍ନେ ସାସନ୍ ତିଙ୍ଗ୍ଣେ\_ ବାରି ଇଃସାଙ୍ଗ୍ଲଂ ନ୍ସା ପାର୍ତନା ତିଙ୍ଗ୍ପା । ତିରକମ୍ ଇସ୍ପର୍ନେ ବକ୍ତିନ୍ନିଆ ସାନ୍ତିରେ ଜିବନ୍ଦାପନ୍ ନେଡିଙ୍ଗ୍ପା । ବାରି ବିନ୍ ବିନ୍ଣେନେ ଆଡାତ୍ରା ସୁକ୍ ସାନ୍ତିରେ ଜିବନ୍ଦାପନ୍ ନେଡିଙ୍ଗ୍ପା । ୩ ଦେକ୍ ରକମ୍ ପାର୍ତନା ଆମ୍ପ୍ଣେ ଇସ୍ପର୍ନେ ତାଗ୍ରା ନିମାଣ୍ଡା ବାରି ଗ୍ରଅନ୍ ତିଙ୍ଗ୍ଏ । ୪ ସାପାରେ ପାପ୍ବାନ୍ ଉଦାର୍ ବାଚେ ସଡ୍ ବିସୟରେ ବୁଦି ବାପା ଏନ୍ ମେଁନେ ଇକ୍ଟା । ୫ ତାଗ୍ଲା ମୁଇଂ ଆଃ ଇସ୍ପର୍ ଲେଃକେ ଇସ୍ପର୍ ବାରି ରେମୁଆଁଲଂ ବିଡ୍ରେ ମୁଇଂ ଆଃ ମଜିରେ ରେମୁଆଁ ଲେଃକେ ମେଁ ତିଙ୍ଗ୍କେ ରେମୁଆଁ କିସ୍ଟ ଜିସ୍ତ୍; ୬ ଜିସ୍ତ୍ ସାପାରେନେ ମୁଲ୍ଲି ନ୍ସା ନିଜେକେ ଦାନ୍ ତିଙ୍ଗ୍ତେ ସମାନ୍ ବେଲା ସାପା ରେମୁଆଁନେ ମୁଲ୍ଲି ଚାଏଁଡିଙ୍ଗ୍କେ କ୍ଲେନେ ଆଡ୍ଅରିଆ ସାମୁଆଁ ବିବକେ । ୭ ☆ଆଡେନ୍ ସଡ୍ ବାରି ବିସ୍ବାସ୍ନେ ସାମୁଆଁ ଅଣଜିଉଦି ତାଗ୍ରା ବାସଙ୍ଗ୍ ନ୍ସା ନେଙ୍ଗ୍ ମୁଇଂ ସିସ୍ ବାରି ଗୁରୁ ରକମ୍ ପାଙ୍ଗ୍ ନ୍ଲେଃକେ । ନେଙ୍ଗ୍ ମିଟ୍ ବାସଙ୍ଗ୍ ନାଡିଙ୍ଗ୍କେ ମେଃନେ ବାସଙ୍ଗ୍ ଶ୍ରିଙ୍ଗ୍କେ ଆଡେନ୍ ସାପା ସଡେଆ ସଡ୍ ।

☆ ୨:୭ ୨:୭ ୨ ଡିମତି ୧:୧୧.

୮ ଉପାସକେଲା ନେଙ୍ଗ ଖାଏଁଏ ଜେ ପବିତ୍ର ଛି ଆତଡ଼୍ୟାରେ ପାରତନା ତିଙ୍ଗପା । ମନ୍‌ବାନ୍ ସାପା ରକମ୍ ରିସା ବାରି ଇଂସା ଚିନ୍ତା ଆନ୍ତାର ବିଷପା । ୯ \*ସେଲାମ୍‌ସୁଃଇଂକେ ନେଙ୍ଗନେ ଗୁଆରେ, ମେଇଂ ଅଲେଙ୍ଗତାଲିଆ ବାରି ଦରମ୍ ତିଙ୍ଗଲେଃଆକେ, ଦାମ୍ ପାଟାଇ ଖାଡ଼େଙ୍ଗନେ, ଉଗ୍‌ବ ସଜେନ୍ନିଆ ବାରି ସୁନା, ରୁପା, ତଗ୍‌ଚେ ନିଜେକେ ଆଃସଜେଲେ । ୧୦ ସେଲାମ୍‌ସୁଃଇଂ ସଡ଼ କାମ୍ ବାନ୍ ନିଜର୍ ଦର୍ମ ଅନୁସାରେ ସ୍ତାମୁଆଁ ବିଆରଲେ । ୧୧ ସେଲାମ୍‌ସୁଃଇଂ ଦରମ୍ ବାବ୍‌ରେ ବୁଦି ବାନେ ଦରକାର । ୧୨ ଉପଦେସ୍ ବିନେ ଶୁଲା ଛିରେ ଆଡ଼ାଡ଼ା ସାସନ୍ ତିଙ୍ଗନେ ଅଦିକାର ନେଙ୍ଗ ସେଲାମ୍‌ସୁଃଇଂକେ ନାବିକେ ଶୁ । ୧୩ ତାଗ୍ଲା ଇସପର୍ ସେନୁଗ୍ ଆଦମକେ ଜନମ୍ ତିଙ୍ଗବକେ ଇଡ଼ିଙ୍ଗ ହବାକେ । ୧୪ ବାରି ସେନୁଗ୍ ଆଦମ ଚକ୍ଷୁଆମି ତିଙ୍ଗ ଆଲେଃକେ ଶୁ ସେଲାମ୍‌ସୁ ଆଃ ଚକ୍ଷୁଆମି ତିଙ୍ଗଚେ ଇସପରନେ ସାମୁଆଁ ଅମାନି ତିଙ୍ଗବକେ । ୧୫ ତାଗ୍ଲା ସେଲାମ୍‌ସୁଃଇଂ ନିମାଣ୍ଡା ବୁଦି ଏଡେ ବିସ୍‌ବାସ୍ ଆଲାଦ୍ ବାରି ପବିତ୍ରତାନ୍ନିଆ ରୁଙ୍ଗନା ଲେଃଲୀ ମେଁ ଗଡ଼େଅଇଂ ଜନମ୍ ବିନେ ବାନ୍ ମେଇଂ ମୁଲ୍ଲି ବାଏ ।

## ୩

### ମଣ୍ଡଲିନେ ନେତାଇଂ

୧ ଏନ୍ ସାମୁଆଁ ସଡ଼ ଜଦି ଜାଣ୍ଡେ ମ୍ବା ରେମୁଆଁ ତିଙ୍ଗ ନ୍‌ସା ଚେସ୍‌ଟା ତିଙ୍ଗକେ ତେଲା ମେଁ ନିମାଣ୍ଡା କାମ୍ ଇକ୍‌ଟା ତିଂତିଂକେ । ୨ \*ପୁଜାରି ରେମୁଆଁ ମୁଇଙ୍ଗ ଅଃକେନ୍ ନିମାଣ୍ଡା ଲେଃନେ ଦରକାର୍ ଜେ ରେମୁଆଁ ସଡେଆ ଆମେକେ ସନ୍‌ମାନ୍ ତିଙ୍ଗ ନ୍‌ସା ରାଜି ତିଙ୍ଗଆରଏ । ମେଁନେ ମୁଇଂ ଆଃ ସେଲାମ୍‌ସୁଃ ଲେଃନେ ଦରକାର୍ । ମେଁନେ ଆମ୍ବା ବିସ୍‌ବାସ୍ ଲେଃନେ ଦରକାର୍ ବାରି ମେଁ ବୁଦିମାନ୍ ତିଙ୍ଗନେ ଦରକାର୍ । ମେଁ ବିନ୍‌ଶ୍ଟେଇଂ ବାନ୍ ସନ୍‌ମାନ୍ ବାନେ ଦରକାର୍ । ନିଜର୍ ତୁଆ ସାର୍ଲଚେ ରେମୁଆଁଇଂକେ ମେଁ ସାଇଜ ତିଙ୍ଗ ନ୍‌ସା ତିଆର୍ ଲେଃନେ ଦରକାର୍ । ମେଁ ମୁଇଙ୍ଗ ନିମାଣ୍ଡା ଗ୍ୟାନ୍ ଦାତା ତିଙ୍ଗ ଲେଃନେ ଦରକାର୍ । ୩ ମେଁ ସାଗ୍ରା ଉଗ୍‌ନେ କି ଝିଙ୍ଗଆଃ ରିଙ୍ଗଆ ରେମୁଆଁ ମାଡ଼ିଙ୍ଗଚେ ମେଁ

ଦରମ୍ ବାରି ସାନ୍ତି ଲେଖନେ ଦରକାର । ତାରୁ କାସୁ ବିତ୍ତେ ମେଁନେ  
 ଲବ୍ ଆଲେନେ ଦରକାର । ୪ ନିଜର ପରିବାରକେ ମେଁ ନିମାଣ୍ଡା  
 ବାବରେ ଚଲେଏ ବାରି ଆମେକେ ସନ୍ମାନ ବିଚେ ମେଁନେ ବାଦ୍ୟ  
 ତିଙ୍ଗ୍ ନ୍ୟା ମେଁନେ ଗଡ଼େଇଁ ଗ୍ୟାନ୍ ବାଲେଃଆରଏ । ୫ ଆଣ୍ଡିନେ  
 ରେମୁଆଁ ନିଜର ପରିବାରକେ ଚଲେ ନ୍ୟା ଇକଟା ଶୁମେଁ ଇସପରନେ  
 ପାରତନା ତିଙ୍ଗ୍ନେ ମଣ୍ଡଲିନ୍ନିଆ ଜତନ୍ ତିଙ୍ଗ୍ଏ ତିରକମ୍ । ୬ ତାଗ୍ଲା  
 ମୁଇଙ୍ଗ୍ ପୁଜାରି ମି ବିସବାସି ତିଙ୍ଗ୍ ଆଲେଃ ଶୁ । ମି ବିସବାସିକେ  
 ପୁଜାରି ଆଃଡ଼ିଙ୍ଗ୍ଲା ଆତେନ୍ ଆମେକେ ଜାବର ଗରବ୍ ତିଙ୍ଗ୍ଆରଏ ।  
 ଦେକ୍ ରକମ୍ ଅବସ୍ଥାରେ ମେଁନେ ଗରବ୍ ନ୍ୟା ମେଁ ସୟତାନ୍ ରକମ୍  
 ଦସ୍ ତିଙ୍ଗ୍ଚେ ଡଣ୍ଡ ବାଏ । ୭ ମଣ୍ଡଲି ବାଏରେ ତାଆଁ ମ୍ଲା ତାଗ୍ଲା ତିଗ୍  
 ମେଁ ମୁଇଙ୍ଗ୍ ସନ୍ମାନ ରେମୁଆଁ ତିଙ୍ଗ୍ଲେଃଏ ସଅଜ୍ରେ ସୟତାନ୍ନେ  
 ପାନ୍ଦିନ୍ନିଆ ଲଃଚେ ମେଁ ତିରକମ୍ ଗ୍ୟାସଃ ଆଡ଼ିଙ୍ଗ୍ ଶୁ ।

### ମଣ୍ଡଲିନେ ସାଇଜ ତିଂଶ୍ଟେ

୮ ମଣ୍ଡଲିନେ ସେବାରେ ତିଗ୍ ନିମାଣ୍ଡା ଚରିତ୍ର ବାରି ନିମାଣ୍ଡା  
 ବେବଆର ତିଙ୍ଗ୍ନେ ଦରକାର । ମେଇଁ ଉଗ୍ସାରେ ବାରି ଦନ୍ସମ୍ପତି  
 ଲବ୍ ଆଡ଼ିଙ୍ଗ୍ନେ ଦରକାର । ୯ ନେଇଁନେ ଦରମ୍ ବିସବାସିନ୍ନିଆ  
 ତାରଲେଃକେ ସଡ଼ ଇଁ ମେଇଁ ପବିତ୍ର ବୁଦିନ୍ନିଆ ତାବ୍ ବାବରେ  
 ବିସବାସ୍ ତିଙ୍ଗ୍ଆରଏ । ୧୦ ମଣ୍ଡଲିନେ କାମ୍ ତିଙ୍ଗ୍ ନ୍ୟା ଅଦିକାର  
 ବାନେ ସେନୁଗ୍ ଆମେଇଁକେ ତିଗ୍ ପରିକ୍ୟା ତିଙ୍ଗ୍ପା । ଏନ୍  
 ପରିକ୍ୟାନ୍ନିଆ ନିମାଣ୍ଡା ବାବରେ ବୁଦିଗ୍ୟାନ୍ ତିଙ୍ଗ୍ଲା ଆଃ ମେଇଁ ସେବା  
 କାମ୍ନିଆ ପଦ୍ ବାଆରଲେଃ । ୧୧ ମେଇଁନେ ସେଲାମ୍ପୁଃଇଁ ତିଗ୍  
 ବିନ୍ ରେମୁଆଁକେ ନିନ୍ଦା ମାଡ଼ିଙ୍ଗ୍ଚେ ପବିତ୍ର ଆମ୍ଲା ଏତେ ଲେଃନେ  
 ଦରକାର ବାରି ସାପା ବିସୟରେ ବିସବାସ୍ ତିଙ୍ଗ୍ନେ ଦରକାର ।  
 ୧୨ ସେବାରେଇଁ ମୁଇଙ୍ଗ୍ ସେଲାମ୍ପୁଃ ଆଣ୍ଡା ତିଙ୍ଗ୍ ଆରଲେ ବାରି  
 ନିଜର୍ ନିଜର୍ ଗଡ଼େଇଁକେ ବାରି ପରିବାରକେ ନିମାଣ୍ଡା ବାବରେ  
 ବିଚଙ୍ଗ୍ ଲେଃଏ । ୧୩ ମୁଡ଼ି ରେମୁଆଁଇଁ ନିମାଣ୍ଡା ବାବରେ ସେବା ତିଙ୍ଗ୍  
 ଆରେଏ ମେଇଁ ନିଜର୍ ନ୍ୟା ସନ୍ମାନ ଜାଗା ଅଦିକାର ତିଙ୍ଗ୍ଆରଏ  
 ବାରି ମେଇଁ ଜିସୁ କିସ୍ଟିନ୍ନିଆ ମେଁନେ ବିସବାସ୍ ନିମାଣ୍ଡା ସମ୍ପର୍କରେ  
 ସାଆସ୍ ବାଆରଏ ।

### ବିସ୍ବାସନେ ସତ୍ତ୍ୱ

୧୪ ଏନ୍ ଉଲିଆ ଗୁଆରନେ ବେଲା ନେଙ୍ଗ ଦାପ୍ରେ ପେନେ ତାଗ୍ରା ଜୁଏଃଏ ତାଗ୍ରାରେ ଆସା ତିଙ୍ଗଣ୍ଟିଂକେ । ୧୫ ମାତର୍ ଜଦି ନେଙ୍ଗନେ ପାଙ୍ଗନେ ନିଅଲ୍ ତିଙ୍ଗ୍ୟ ଜିବନ୍ ଇସପରନେ ମଣ୍ଡଲିନ୍ନିଆ ତିରକମ୍ ତିଙ୍ଗନେ ପଡ଼େଏ ଏନ୍ ଉଲିଆବାନ୍ ଆଡେନ୍ ପେ ମ୍ୟା ପେୟାଏ । ଏନ୍ ମଣ୍ଡଲି ଆଃ ସତ୍ତ୍ୱନେ ଦରମ୍ ତେଲି ବାରି ମୁଲ୍ପାଣ୍ଡସନ୍ । ୧୬ ନେନେ ଦରମ୍ ବିସ୍ବାସନ୍ନିଆ ଆକେନ୍ ମ୍ଲାଃ ଗୁନ୍ ସାପାରେ ଗ୍ରାଅନ୍ ତିଙ୍ଗଆରଏ ।

କିସୁ ରେମୁଆଁ ଗାଗଡ଼େନ୍ନିଆ ଆନେକେ ଆସୁଏକେ ।

ପବିତ୍ର ଆମ୍ବା ଆମେକେ ଦରମ୍ ତାଗ୍ରାରେ ପରମାନ୍ ତିଙ୍ଗକେ ।

କିତଂଦୁଡ଼ଇଂ ଏଡେ ମୈ ଆନାକେ ।

ମୈନେ ବିସ୍ବାସରେ ସାପା ଜାତି ଇଂନେ ବିତ୍ତରେ ନିମାଣ୍ଡାସାମୁଆଁ ବାସଙ୍ଗକେ ।

ମଞ୍ଚପୁରନେ ରେମୁଆଁ ଆମେକେ ବିସ୍ବାସ ତିଙ୍ଗକେ ମୈ

କିତଂଇନିନ୍ନିଆ ମଇମାମୟ ତିଙ୍ଗରେ ତୁଂଖେଆକେ ।

## ୪

### ବଣ୍ଡ ବାବବାଦିଇଂନେ ବିସ୍ବାସରେ ତରକ୍ ସାମୁଆଁ

୧ ପବିତ୍ର ଆମ୍ବା ସତ୍ତ୍ୱ ବାବରେ ବାସଙ୍ଗତିଂକେ ଜେ ଇଡ଼ିଙ୍ଗ କାଲେ ଉଡ଼ି ରେମୁଆଁ ସତ୍ତ୍ୱ ବିସ୍ବାସକେ ଆନ୍ତାର୍ ବିଆରଏ । ମେଇଂ ଆମେଇଂକେ କସୁ ତିଙ୍ଗକ୍ଳେ ଦୁସୁ ଆମ୍ବାଇଂନେ ଆଦେସ୍ଇଂ ମାନେଆରଏ । ୨ ଉଡ଼ି ବଣ୍ଡ ବାବବାଦି ଦେକ୍ ରକମ୍ ଗ୍ୟାନ୍ ବିଃଆରତିଂକେ, ମେଇଂନେ ବୁଦି ନସୁ ତିଙ୍ଗ୍ଖେଲେଃକେ । ୩ ଆଡେନ୍ ବଣ୍ଡ ବାବବାଦି ବକ୍ତାଇଂ ବିହେ ତିଙ୍ଗନେ ଟିକ୍ ଶୁ ତାଗ୍ରାରେ ବାସଙ୍ଗଆରଏ ମେଇଂ ରେମୁଆଁଇଂକେ ଏନ୍ ସାମୁଆଁ ତିଗ୍ ବାସଙ୍ଗଆରଏ ଜେ ଉଡ଼ି ବଲେ ଲେଃକେ ଆଡେନ୍ ରେମୁଆଁଇଂ ବିଲ୍କୁଲ୍ ରଙ୍ଗନେ ଟିକ୍ ଶୁ ତାଗ୍ରାରେ ମେଇଂ ବାସଙ୍ଗତିଂଆରକେ । ମାତର୍ ଆଡେନ୍ କାଦିଇଂକେ ପରମେସର୍ ଆଃରେବକେ । ଜାଣ୍ଡେଇଂ ବିସ୍ବାସି ବାରି ସତ୍ତ୍ୱକେ ମ୍ୟାଃଆରଏ ମେଇଂ ପରମେସର୍କେ ଦନ୍ୟବାଦ୍ ବିରେ ଆଡେନ୍ କାଦି ରଙ୍ଗଆରଏ । ୪ ପରମେସର୍ ଆଣ୍ଡିନେ ସାପା ତିଆର୍ ତିଙ୍ଗ ବକେ ଆଡେନ୍ ସାପା ନିମାଣ୍ଡା ଲେଃଏ

। ପରମେସରକେ ଦନ୍ୟବାଦ୍ ବିଷୟେ ଇତିହାସ ଫେଁନେ ତିଆର୍  
 ତିହ୍ନେ ଆଣ୍ଡିନେ ବିସୟ ଗ୍ରଥନ୍ ତିହ୍ନ ନ୍ୟା ମନା ତିହ୍ନେ ଚିକ୍ ଶୁ  
 । ୫ ପରମେସର ବାନ୍ ତିଆର୍ ତିହ୍ନେ ସାପା ବିସୟ ପରମେସର  
 ବାସଙ୍ ବକ୍ତେ ସାମୁଆଁ ବାନ୍ ବାରି ପାର୍ତନା ବାନ୍ ପବିତ୍ର ତିହ୍ନେଲେଖ  
 ।

### ଜିସୁ କ୍ରିଷ୍ଟନେ ନିମାଣ୍ଡା ସେବାଣ୍ଡେ ତିହ୍ନପା

୬ ଏନ୍ ସାପା ବିସୟ ପେ ବୟାଁ ବାରି ତନାଇଁକେ ଗ୍ୟାନ୍ ପେବିଲା  
 ଜିସୁ କିସ୍ତନେ ମୁଇଁ ନିମାଣ୍ଡା ସେବା ତିଂଣ୍ଡେ ପେତିହ୍ନ । ବାରି  
 ପେ ଆଡିନେ ବିସବାସ୍ ବାରି ନିମାଣ୍ଡା ଗ୍ୟାନ୍ନେ ଗାଲିପାକା ପାଙ୍ଗ୍  
 ପେଲେକେ ଆତାନ୍ ସାଙ୍ଗେ ସାଙ୍ଗେ ସାମୁଆଁ ବାନ୍ ବପୁ ପେତିହ୍ନ ।  
 ୭ ପରମେସରକେ ବାଦେକ୍ତେ ସାମୁଆଁ ଇଁ ଆତାର୍ ବିଚେ ପେ ଦରମ୍  
 ଜିବନ୍ନେ ତାଟ୍ ଆଡିହ୍ନ ନ୍ୟା ଅବ୍ୟାସ୍ ତିହ୍ନପା । ୮ ଗାଗଡେକେ  
 କସ୍ତ କାମ୍ ଦରକାର୍ ଲେଖକେ । ମାତର୍ ପରମେସରନେ ଉପାସ୍  
 ତିହ୍ନେ ବାନ୍ ଆଡେନ୍ ସାପା ବିସୟନେ ଆପେକେ ସାଇଜ ତିହ୍ନ ।  
 ଏନ୍ ଏବେନେ ଜିବନ୍ନିଆ ବାରି ବବିଷ୍ୟତ୍ ଜିବନ୍ନିଆ ତିଗ୍ ପେନ୍ସା  
 ଆସ୍ ବାଦ୍ ତୁଁପାଙ୍ଗ୍ । ୯ ନେଙ୍ଗ୍ ମେଃନେ ବାସଙ୍ଗ୍ ଆଡେନ୍ ସତ୍  
 ବାରି ପେ ଏନ୍କେ ବଲ୍ ବାବ୍ରେ ଗ୍ରଥନ୍ ତିହ୍ନେ ଦରକାର୍ । ୧୦ ମୁଡି  
 ଆମ୍ ଶ୍ରେ ତାଗ୍ରା ବିସବାସ୍ ତିହ୍ନଲା ସାପାରେ ମୁକ୍ତି ବାଆର୍ଏ ଆତାନ୍  
 ଜିବନ୍ନେ ଇସ୍ପର୍ ତାଗ୍ରା ଆସା ତିହ୍ନେ ନେ ଅଃକେନ୍ କସ୍ ତିହ୍ନେ  
 ଏନ୍ କାମ୍ ତିହ୍ନ ନେତିହ୍ନକେ ।

୧୧ ଏନ୍ ସାପା ଗ୍ୟାନ୍ ବାରି ଆଦେସ୍ ଆମେଇଁକେ ଗ୍ୟାନ୍ ବିଷପା  
 । ୧୨ ପେ ନିଜେନେ ବାଲିର୍ବାତା ବେବଆର୍ ଆଲାଦ୍ ବିସବାସ୍  
 ବାରି ଗୁନ୍‌ଗ୍ୟାନ୍ନେ ନିମାଣ୍ଡା ବାବ୍ରେ ବେବଆର୍ ଆସ୍‌ଏଃ ପେୟାଲା  
 ଗଣ୍ଡା ବୟସ୍ ତିହ୍ନ ଲେଖଲା ତିଗ୍ ଆପେକେ ମଣ୍ଡଲିନ୍ନିଆ ଜାଣ୍ଡେ  
 ଦନ୍ୟା ତାଗ୍ରାଟେ ବାସଙ୍ଗ୍ ଆୟାଆର୍ ଶୁ । ୧୩ ନେଙ୍ଗ୍ ପେନେ ତାଗ୍ରା  
 ପାଙ୍ଗ୍ନେ ଜାକ ପେ ଦରମ୍ ସାସ୍ତର୍ ପଡେନେ, ଉପଦେସ୍ ବାରି  
 ଗ୍ୟାନ୍‌ବିନେ କାମ୍ ତିହ୍ନଲାଲାପା । ୧୪ ମଣ୍ଡଲିନେ ମ୍ନା ନେତାଇଁ  
 ଆନାକେ ଇସ୍ପର୍ନେ ସାମୁଆଁ ଆଃଅଁଟେ ପେନେ ଆଡାତ୍ରା ଛି ବକ୍ତେ  
 ବେଲା ପେ ଆଣ୍ଡିନେ ଆମ୍‌କ ବପୁ ବାପେଲେକେ, ଆମେକେ ଆବଃ  
 ଆବିଃଗ୍ପା । ୧୫ ନେଙ୍ଗ୍ ଗୁଆର୍ ବିଷୟେ ସାପା ବିସୟ ମନ୍ ଦ୍ୟାନ୍



ବିଚେ ପାଲନ୍ ଡିଙ୍ଗ ନସା ଅବ୍ୟାସ୍ ଡିଙ୍ଗପା । ଇଡିଙ୍ଗ ପେନେ କାମ୍  
ଆଣ୍ଡେଙ୍ଗ ସାପା ଆଡାତ୍ରା ତରକ୍ ଲାଃଲାପା । <sup>୧୭</sup> ନିଜର୍ ଗ୍ୟାନ୍ ନସା  
ତରକ୍ ଲାଃଲାପା ଏନ୍ ସାପା କାମ୍ ଡିଙ୍ଗ ଲାଃଲାପା । ତାଗ୍ଲା ଆତାନ୍  
ଡିଙ୍ଗଲା ପେ ନିଜେନେ ମୁକ୍ତି ବାରି ପେ ବିନ୍‌ଶ୍ରେ ମୁକ୍ତି ସାଇଜ ଡିଙ୍ଗ  
ପେୟାଏ ।

## ୫

### ବିସ୍‌ବାସିଇଂନେ ନିଅମ୍

<sup>୧</sup> ପେ ମୁଇଙ୍ଗ ବୟସ୍ ରେମୁଆଁ ଏତେ ରିସାରିସା ବାଲିର୍ ସାମୁଆଁ  
ଆଡିଙ୍ଗପା । ନିଜର୍ ଆବା ତାଗ୍‌ଚେ ବାବେଚେ ମେଁନେ ଏତେ  
ବାଲିର୍‌ବାତାପା । ତାଆଁରେଇଂନେ ଆଡାତ୍ରା ନିଜର୍ ବୟାଁ ରକମ୍  
ବେବଆର୍ ଡିଙ୍ଗପା । <sup>୨</sup> ବୟସ୍ ସେଲାମ୍‌ସୁଃଃଇଂକେ ଇୟାଙ୍ଗ ରକମ୍  
ବାରି ସେଲାଇଂକେ ତନା ରକମ୍ ବେବଆର୍ ଡିଙ୍ଗପା । କାଲାଆଃ  
ମେଇଂନେ ଆଡାତ୍ରା ପବିତ୍ର ରକମ୍ ବେବଆର୍ ଡିଙ୍ଗପା ।

<sup>୩</sup> ମୁଇଂଜା ଲେଃଃକ୍ସେ ଗୁଏସାଙ୍ଗ୍‌କୁଏଇଂକେ ଜତନ୍ ଡିଙ୍ଗପା ।  
<sup>୪</sup> ଜଦି ମୁଇଙ୍ଗ ଗୁଏସାଙ୍ଗ୍‌କୁଏନେ ଗଡ଼େଅ ଗଡ଼େଇଂ ବାରି ନାତିନାତୁନି  
ଲେଃଏ ମେଇଂ ସେନୁଗ୍ ନିଜର୍ ପରିବାର୍ ଆଡାତ୍ରା ସନ୍‌ମାନ୍  
ଆସୁଏନେ ଦରକାର୍ । ମେଇଂ ମେଁନେ ଇୟାଙ୍ଗ ଆବାକେ ସାଇଜ  
ଡିଙ୍ଗନେ ଦରକାର୍ । ଦେକ୍ ରକମ୍ ଡିଙ୍ଗନେ ବାନ୍ ମେଇଂ ନିଜର୍  
ଇୟାଙ୍ଗ ଆବା ବାରି ଙ୍ଗିର୍‌ବଃଅ ବାରି ସେଲାମ୍‌ସୁଃଅ ଆଡାତ୍ରା ନିମାଣ୍ଡା  
କାମ୍ ଡିଙ୍ଗଆରଏ । ଆତେନ୍ ପରମେସର୍‌କେ ମନ୍କେ ଖେଏ ।  
<sup>୫</sup> ଆଣ୍ଡିନେ ଗୁଏସାଙ୍ଗ୍‌କୁଏ ସତ୍‌ରେ ମୁଇଂଜା ବାରି ମେଁ ଇସ୍‌ପରନେ  
ଆଡାତ୍ରା ଆସା ବଚେ ସ୍ଥିମିଡିଗ୍ ମେଁନେ ସାଇଜ ନସା ପାର୍‌ତନା  
ଡିଙ୍ଗଏ । <sup>୬</sup> ମାତର୍ ଦେକ୍‌ରକମ୍ ଗୁଏସାଙ୍ଗ୍‌କୁଏ ନିଜେନେ ପାରାନ୍‌ନେ  
ଇକ୍‌ଚା ମାତର୍ ନିଜେକେ ସାର୍ଦା ଆଡିଙ୍ଗନେ ମେଁ ଚୁଆ ଲେଃଚେ ଡିଗ୍  
ଗୁଏଃକ୍ସେ ସମାନ୍ । <sup>୭</sup> ଗୁଏସାଙ୍ଗ୍‌କୁଏଇଂକେ ଏନ୍ ବିସ୍‌ୟରେ ତରକ୍  
ଆଡିଙ୍ଗ ବିଃପା ଜାଣ୍ଡେ ଡିରକମ୍ ମେଇଂନେ ବିରଦ୍‌ରେ ମେଃଡିଗ୍ ନିନ୍‌  
ଆଡିଙ୍ଗନେ ସୁଜଗ୍ ଆବା ଶୁ । <sup>୮</sup> ମୁଃଡି ରେମୁଆଁ ନିଜର୍ ରେମୁଆଁନେ  
ଶୁଲା ନିଜର୍ କୁଟୁମ୍‌ନେ ଜତନ୍ ଆଡିଙ୍ଗ ଶୁ ମେଁ ନେନେ ଦରମ୍

ବିସ୍‌ବାସିଙ୍କଠାରେ ଗ୍ରଥନ ଆଡ଼ିଙ୍ଗ ଶୁ ବାରି ମୈ ଅବିସ୍‌ବାସିଙ୍କଠାରେବାନ୍ ଡିଗ୍ ଦଦ୍ୟା ।

<sup>୯</sup> ବୁଦ୍ଧେ ଗୁଆରବକ୍ତେ ଦରକାର ଲେକ୍ତେ ଗୁଏସାଙ୍ଗକ୍ତୁଏକେ ମୁଇଙ୍ଗ କାଗଜନ୍ନିଆ ଗୁଆରପା, ଜାଣ୍ଡେଇଠାରେ ବୟସ୍ ଝିକୁଡ଼ି ବାନ୍ ଆଡ଼ାଡ଼ା ଜାଣ୍ଡେଇ ମୁଇଠର ଆଃ ବିଏ ବଆରଏ । <sup>୧୦</sup> ଗଡ଼େଇଠାରେ ବଲ୍ ବାବରେ ଜତନ୍ ଡିଙ୍ଗନେ ପାଙ୍ଗଲେଃକ୍ତେ କୁଲାରେଇଠାରେ ଜତନ୍ ଡିଙ୍ଗନେ କ୍ରିସ୍ତାନ୍ ବୟା ତନାଇଠାରେ ଆଡ଼ାଡ଼ା ସନ୍‌ମାନ୍ ଡିଙ୍ଗନେ କସ୍‌ବାନେ ରେମୁଆଁଇଠାରେ ସାଇଜ ଡିଙ୍ଗନେ ଗୁଲୁଏ ସଡ଼କାମ୍ ନସା ଜାଣ୍ଡେଇ ସମାଜନ୍ନିଆ ନିମାଣ୍ଡା କାମ୍ ଡିଙ୍ଗବଆରଏ ତେଲା ମୈନେ ମ୍ନି ଗୁଏସାଙ୍ଗକ୍ତୁଏ ଉଲିଆଃନ୍ନିଆ ଗୁଆରପା ।

<sup>୧୧</sup> ମାତର ସେଲା ଗୁଏସାଙ୍ଗକ୍ତୁଏଃକ୍ତେ ଆସାଃଗେପା । ଡାଗ୍ଲା ମେଇ ଜିସ୍ତୁ କିସ୍‌ଟ ନସା କୁଡ଼େକ୍ତେ ଇଡ଼ିଙ୍ଗ ଡିଗ୍ ନିଜର୍ ଆଲାଦ୍ ବାନ୍‌ସା ମୈନେ ବାନ୍ ସ୍ତୁ ଲାଗଡ଼ଆରଏ । ଏନ୍ ଇଡ଼ିଙ୍ଗ ମେଇ ବାରି ମୁଇଠର ବିଏ ନସା ଇକ୍‌ଟା ଡିଙ୍ଗଆରଏ । <sup>୧୨</sup> ମେଇ ମୈଇଠାରେ ଅଃସେ ନିଅମ୍ ଅମାନି ଡିଙ୍ଗବକ୍ତେ ତଣ୍ଡ ବଆରଏ । <sup>୧୩</sup> କ୍ଳେଇଠାରେ ତୁଆକେ ତୁଆ ଅଲେଙ୍ଗରେ ବେଲା ନସ୍ତୁ ଡିଙ୍ଗଆରଏ ଦଦିଆ ସାମୁଆଁ ବାରି ବିନ୍‌ଶ୍ଟେନେ ଜତନ୍ ଡିଙ୍ଗରେ ଦଦ୍ୟା ସାମୁଆଁ ବାସଙ୍ଗରେ ଦରକାର ଶୁନେ ସାମୁଆଁ ସାପା ବାସଙ୍ଗଏ । <sup>୧୪</sup> ଏଲେଡିଗ୍ ନେଙ୍ଗନେ ଇକ୍‌ଟା ସେଲା ଗୁଏସାଙ୍ଗକ୍ତୁଏଇଠାରେ ବିଏ ଆରଲେ ମୈଇଠାରେ ଗରିସିଆ ଡିଙ୍ଗଲେ ବାରି ମେଇ ନିଜର୍ ତୁଆନେ ଜତନ୍ ଡିଙ୍ଗଆରଲେ ନେଙ୍ଗ ଏନ୍ ଅିଏଏ ଜେ ଜଦି ମେଇ ଦେଡ଼ ରକମ୍ ଡିଙ୍ଗଲା ତେଲା ନେନେ ସଡ଼ୁଇଠାରେ ଆମେଇଠାରେ ନିନ୍ଦା ଡିଙ୍ଗ ନସା ମେଃଡିଗ୍ ସୁଜଗ୍ ଆବାଆର ଶୁ । <sup>୧୫</sup> ଏନ୍ ବିଡ଼େ ଉଡ଼ି ଗଣ୍ଡା ବୟସ୍ ଗୁଏସାଙ୍ଗକ୍ତୁଏ ସୟତାନ୍‌ନେ ସାମୁଆଁନ୍ନିଆ ଲଃରେ ଗାଲି ଉମୁଆଃ ଲେଃଆରକେ । <sup>୧୬</sup> ଜଦି ମୁଇଙ୍ଗ ବିସ୍‌ବାସି ସେଲାମ୍‌ସୁଏଃ ରେମୁଆଁନେ ତୁଆନ୍ନିଆ ଗୁଏସାଙ୍ଗକ୍ତୁଏଇଠାରେ ଲେଃଆରକେ ତେଲା ମୈଇଠାରେ ମୈ ନିଜେ ଜତନ୍ ତୁଙ୍ଗତନେ ଦରକାର । ମଣ୍ଡଲିକେ ଏନ୍ ନସା ଅଜନ୍ ଆଡ଼ିଙ୍ଗନେ ଦରକାର ଶୁ । ଇଡ଼ିଠାରେ ମଣ୍ଡଲି ମାତର ପରିବାର ବିଡ଼େ ଗୁଏସାଙ୍ଗକ୍ତୁଏଇଠାରେ ଜତନ୍ ତୁଙ୍ଗତନେ ଇକ୍‌ଟା ଡିଙ୍ଗଏ ।

<sup>୧୭</sup> ମଣ୍ଡଲିନେ ଉଡ଼ି ନେତାଇଠାରେ ମୈଇଠାରେ କାମ୍‌କେ ନିମାଣ୍ଡା

ଆଃସୁଏଆରଏ ଏଲେଡିଗ୍ ଜାଣ୍ଡେଇଁ କସ୍ତୁ ବାଚେ ଗ୍ୟାନ୍ ବାରି ବାସଙ୍ଗ୍ କାମ୍ ତିଙ୍ଗ୍ ଆରଡିଂକେ ମେଇଁ ମ୍ପାର୍ ଗୁନ୍ ବାବ୍ରେ କସ୍ତୁ ତିଙ୍ଗ୍ କ୍ଲେ ଦରମା ବାନେ ଦରକାର୍ ୧୮ ✱ଡାଗ୍ଲା ସାସ୍ତ୍ରନ୍ନିଆ ଗୁଆରବକେ; “କିଆ ଲେଃକାଲା ଅରେଃ ତୁମୁଆଃନ୍ନିଆ ଗେଏଃ ଆଗାଗ୍ପା ।” ବାରି “କାମ୍ ତିଙ୍ଗ୍ କ୍ଲେ ଗ୍ଲେ ନିଜର୍ ଆଜ୍ରି ବାନେ ଅଦିକାର୍ ଲେଃକେ ।” ୧୯ ମ୍ପାୟା ଶୁଲା ଞ୍ଜିରୁଆ ସାକି ଆଲେଃଲା ମଶ୍ଲିନେ ମୁଇଙ୍ଗ୍ ମ୍ପା ନେତା ବିରଦ୍ରେ ମେଃଡିଗ୍ ନିନ୍ଦା ବିଚାର୍ ତିଂନ୍ନିଆ ତୁଙ୍ଗ୍ ଆଞ୍ଜେଗ୍ପା । ୨୦ ଜାଣ୍ଡେଇଁ ପାପ୍ ତିଙ୍ଗ୍ ଆରେ ଆମେଇଁକେ ସାପାରେନେ ସାମାନାନ୍ନିଆ ବାସଙ୍ଗ୍ ବିଃପା ଡିରକମ୍ ବିନ୍‌ଶ୍ଟେଇଁ ତିଗ୍ ବୁଟମେଗ୍ ଆରେ ।

୨୧ ପରମେସର୍ କିସ୍ତ ଜିସୁ ବାରି ସ୍ତ୍ରିକ୍ଲେ କିତଂ ଦୁଡ଼ଇଁନେ ସେନୁଗ୍ ଏନ୍ ସାପା ତିଙ୍ଗ୍ ନ୍‌ସା ନେଙ୍ଗ୍ ଆପେକେ ଆଦେସ୍ ବିଃଶ୍ଟିଂ । ଜାନେ ବିରଦ୍ରେ ସାରମୁଆଁ କେଚେ ମେଇଁନେ ବିଚାର୍ ଆଡିଙ୍ଗ୍ପା । ସାପାରେ ନ୍‌ସା ସନ୍‌ମାନ୍ ଆଃସୁଏପା । ୨୨ ମାରିୟାଃଡୁଗ୍ ଜାଣ୍ଡେନେ ଆଡାଡା ଡ୍ରି ଆଲିଗ୍‌ଗେପା ଇସ୍ପରନେ କାମ୍ ନ୍‌ସା ଜାଣ୍ଡେକେ ଆସ୍ତ୍ରିଗ୍ପା ଶୁଲା ବିନ୍‌ଶ୍ଟେଇଁନେ ପାପ୍‌ନ୍ନିଆ ବାଗ୍ ଆଡିଙ୍ଗ୍ପା; ପେ ନିଜେକେ କାଲାଆଃ ପବିତ୍ର ବପା ।

୨୩ ତିମତି ନାଁ ମାତର୍ ଶ୍ଟିଆ ଉଗ୍ ନାଡିଙ୍ଗ୍ । ଆତେନ୍ ବନ୍ଦ୍ ଆଡିଙ୍ଗ୍‌ଚେ ଇକୁଡା ଦ୍ରାକ୍ଷାରସ୍ ତିଗ୍ ଉଗ୍ । ଏନ୍ ନାଁ ସୁଲୁଏ ନ୍‌ସା ଦରକାର୍ ବାରି ନାଁ ପ୍ରେଗ୍ ପ୍ରେଗ୍ ବେମାର୍ ଆଡିଙ୍ଗ୍ ଶୁ ।

୨୪ ଉଡି ରୁଆନେ ପାପ୍ ସାପା କୁଲାକୁଲି ବାବ୍ରେ ନ୍‌ସା ଡାଗ୍ଲା ମେଁଇଁନେ ବିଚାର୍ ତିଙ୍ଗ୍ ଡାଗ୍‌ଚେ ମେଁଇଁନେ ପାପ୍ ଆଣ୍ଡେଙ୍ଗ୍ ସେନୁଗ୍ ନ୍‌ସା । ମାତର୍ ବିନ୍‌ନେ ଉଡି ରୁଆନେ ପାପ୍ ଇଡିଙ୍ଗ୍ ଜାନା ପଡେଏ । ୨୫ ଦେଡ୍ ରକମ୍ ଉଡିରୁଆନେ ଦରମ୍ କରମ୍ ସଅଜ୍ରେ ସାପାରେନେ ମୁଆଃ ନ୍‌ଲେଃଏ । ମାତର୍ ବାରି ଉଡିରୁଆନେ ସଡକାମ୍ ଦେଡ୍ ରକମ୍ ଆନାଲା ତିଗ୍ କାଲାଆଃ ବୁଡିଚେ ଲେଃଆୟା ଶୁ ।



୧ କ୍ରିସ୍ତୁ ବିସ୍‌ବାସି ସିସ୍‌ଇଁ ନିଜର୍ ମାଲିକ୍‌କେ ନିମାଣ୍ଡା ସନ୍‌ମାନ୍ ବିଃପା । ତେଲା ଇସ୍ପରନେ ବିରଦ୍ରେ ଶୁଲା ନେନେ ସିକ୍ୟା

ବିସୟରେ ଜାଣେ ମୋଡ଼ିଗ୍ ନିନ୍ଦା ତିଜ୍ ଆୟାଆର୍ ଶୁ ।  
 ୨ ଜାଣେଇଁନେ ମାଲିକ୍ ଡିଗ୍ କିସ୍ ବିସ୍ବାସି ମେଇଁ ମାଲିକ୍ କେ  
 ବୟାଁ ତାଗ୍ରେ ଆମେଇଁକେ ନିମାଣ୍ଡା ବାବ୍ରେ ସନମାନ୍ ବିଃଆବକେ  
 ରକମ୍ ଆଡ଼ିଜ୍ପା । ଶୁଲ୍ଲା ଜାବର୍ ନିଜର୍ ବାବ୍ରେ ମେଁଇଁନେ  
 ସେବା ତିଜ୍ପା ତାଗ୍ଲା ମେଇଁ ଡିଗ୍ କିସ୍ ବିସ୍ବାସି ବାରି ଜାବର୍ ସାଦ୍ଦା  
 ତିଜ୍ପାଆର୍ଏ । ଏନ୍ ସାପା ବିସୟ ପେ ଗ୍ୟାନ୍ ବିଚେ ବାସଜ୍ଏ ।

### ମିଚ୍ ଗ୍ୟାନ୍ ବାରି ସତ୍ତନେ ଦନ୍

୩ ଜାଣେଇଁ ମାପୁ ଜିସୁ କିସ୍ତନେ ଗ୍ୟାନ୍ ଏତେ ସମାନ୍ ମାଲେଃଚେ  
 ବାରି ନେନେ ଦରମ୍ ଗ୍ୟାନ୍ ବିରଦ୍ ତିଜ୍ମ୍ୟାକ୍ସେ ବିନ୍ ରକମ୍ ସାମୁଆଁ  
 ବାସଜ୍ ତିଜ୍ଏ ୪ ଜାଣେ ରେମୁଆଁ ମିଚ୍ ଗ୍ୟାନ୍ ବିଏ ମେଁ ଗରବ୍ ବାରି  
 ମୋଡ଼ିଗ୍ ବୁଜେ ଆୟା ଶୁ । ଆତେନ୍ ରେମୁଆଁ ସଦନେ ଅରଡ଼କେ  
 ସାଚେ ଅଡ଼କା ଅଡ଼କି ତିଜ୍ନେସା ଜାବର୍ ସେନ୍ନୁଗ୍ ତାର୍ଏ ବାରି ମେଁ  
 ଝିଙ୍ଗିଆଃରିଆଃ ପାଙ୍ଗ୍ଏ । ଏନ୍ ସାପା ଗଣ୍ଡୁଗଲ୍, ଇସା, ଅପ୍ମାନ୍  
 ବାରି ସନ୍ଦେଅ ପାଙ୍ଗ୍ଲେଏ । ୫ ମେଇଁ ବିଚାରନ୍ନିଆ ବେକାର୍ ତିଜ୍ଚେ  
 ସରାଃସିଃ ଅଡ଼କା ଅଡ଼କି ବାନ୍ ସତ୍ତନେ ଅପ୍ମାନ୍ ତିଜ୍ପାଆର୍ଏ । ଦରମ୍  
 ବିସ୍ବାସକେ ମାତର୍ ସାଉକାର୍ ତିଜ୍ନେ ମୁଇଜ୍ ଗାଲି ତାଗ୍ରେ  
 ମେଇଁ ମନେ ତିଜ୍ଏ ।

୬ ଦରମ୍ ଲେଃନେ ରେମୁଆଁ ସତେଆ ସାଉକାର୍ ତାଗ୍ଲା ମେଁନେ  
 ଉଡ଼ି ଲେଃକେ ଅଃତେନ୍ରେ ମେଁ ସାନ୍ତି । ୭ ନେ ଏନ୍ ମଞ୍ଚପୁର୍ନିଆ  
 ମୋଃନେ ତୁଜ୍ପାଙ୍ଗ୍ ନେବକେ ? ମୋଡ଼ିଗ୍ ଶୁ । ବାରି ଆକ୍ବାନ୍  
 ମୋଃନେ ସାଃଚେ ତୁଜ୍ପାଙ୍ଗ୍ ନେଃୟାଏ ? ମୋଡ଼ିଗ୍ ଶୁ । ୮ ତେଲା ନେ  
 ନସା ରଙ୍ଗନେ ବାରି ଝାଡ଼େଗ୍ନେ ଜିନିସ୍ ଲେଃଲା ନେ ନସା ନିମାଣ୍ଡା  
 । ୯ ଦନ୍ ସମ୍ପତି ଲିବିସ ରେମୁଆଁକେ ଗୁଲ୍ଲୁଏ ପରିକ୍ୟା ବାରି ପାନ୍  
 ବିତ୍ତେ ତୁଜ୍ପାଙ୍ଗ୍ଏ; ମେଁ ମନ୍ନିଆ ଗୁଲ୍ଲୁଏ ଦଦ୍ୟା ଲବ୍ ତିଜ୍ନେ ଲାଲ୍ସା  
 ଜାଗ୍ରଡ଼ ଆଡ଼ିଜ୍ଚେ ଆମେକେ ଦଂସ ବାରି ସାପା ନସ୍ ପାକା ତୁଜ୍ପାଙ୍ଗ୍ଏ  
 । ୧୦ ଦନ୍ ଲବ୍ ସାପା ଦଦ୍ୟା କାରନ୍ । ଜାବର୍ ବାନ୍ ଜାବର୍ ଦନ୍  
 ବାନେ ଲବ୍ରେ ଉଡ଼ି ରେମୁଆଁ ସତ୍ ବିସ୍ବାସକେ ଆନ୍ତାର୍ ବଆରକେ  
 । ମାତର୍ ଦେଡ଼ ରକମ୍ ତିଜ୍ନେ ବାନ୍ ମେଇଁ ନିଜର୍ ଆଡ଼ାତ୍ରା ଗୁଲ୍ଲୁଏ  
 ଦୁକ୍ କସ୍ ତୁଜ୍ପାଙ୍ଗ୍ ଆରେ ।

### ପାଉଲ୍‌ନେ ସାରାସାରି ସାମୁଆଁ

୧୧ ମାତର୍ ଅ ତିମତି ନା ମୁଇଁ ପରମେସର୍‌ନେ ରେମୁଆଁ ।  
 ଏଲେଡିଗ୍ ପେ ଆତେନ୍ ସାପା ବିସୟ୍ ବାନ୍ ମ୍ଲ ଲେଃନେ ଦରକାର୍ ।  
 ଦରମ୍ ବାବ୍‌ରେ ଲେଃ ନ୍‌ସା ଚେସ୍‌ଟା ଡିଙ୍ଗ୍‌ପା ପରମେସର୍‌ନେ  
 ଉପାସ୍ ଡିଙ୍ଗ୍‌ପା । ପେନେ ଜିବନ୍‌ରେ ବିସ୍‌ବାସ୍, ଆଲାଦ୍, ସାଆସ୍,  
 ଦରମ୍ ବାରି ବଦ୍ର ବେବଆର୍ ଡିଙ୍ଗ୍ ନ୍‌ସା ଚେସ୍‌ଟା ଡିଙ୍ଗ୍‌ପା । ୧୨ କ୍ରିସ୍ଟୁ  
 ବିସ୍‌ବାସ୍‌ନ୍ନିଆ ନିମାଣ୍ଡା ଜୁଙ୍‌ନ୍ନିଆ ଜୁଦ୍ ଡିଙ୍ଗ୍‌ଚେ ମାଡାନେ ପାରାନ୍  
 ବାପା । ଏନ୍ ଇକଟାରେ ଝେଟା ନ୍‌ସା ଆପେକେ ସ୍ତ୍ରୀ ବକେ ବାରି  
 ଗୁଲୁଏ ସାକିନେ ବିତ୍ରେ ଏନ୍ ବିସ୍‌ବାସ୍ ଡିଙ୍ଗ୍ ପେବକେ । ୧୩ ☆ସାପା  
 ଜିବ୍ ଜନ୍ତୁକେ ଜିବନ୍ ବିନେ ଇସ୍‌ପର୍‌ନେ ସାମ୍ମାନ୍ନିଆ ବାରି ପନ୍ତିୟ୍  
 ପିଲାତନେ ସାମ୍ମାନ୍ନିଆ ଡାବ୍ ବିସ୍‌ବାସ୍‌ନ୍ନିଆ ସ୍ନାମୁଆଁ ଡିଙ୍ଗ୍‌ବକ୍ଲେ  
 ମାପୁ ଜିସୁ କିସ୍‌ଟନେ ମ୍ନିରେ ଆପେକେ ଆଦେସ୍ ବିଚେ ବାସଙ୍‌ଣ୍ଡିଂ  
 । ୧୪ ମାପୁ ଜିସୁ କିସ୍‌ଟନେ ବାର୍‌ମୁଇଁତର୍ ପାଙ୍ଗ୍ ଜାକ ଆପେକେ  
 ବିବକ୍ଲେ ଆଦେସ୍‌ଇଁ ବିସ୍‌ବାସ୍ ବାବ୍‌ରେ ପାଲନ୍ ଡିଙ୍ଗ୍‌ପା । ନିମାଣ୍ଡା  
 ବାରି ନିନ୍‌ଆ ଆଡିଙ୍ଗ୍‌ଚେ ଲାଃଲାପା । ୧୫ ପରମେସର୍ ନିମାଣ୍ଡା ବେଲା  
 ପାଙ୍ଗ୍‌ଲା ଆତେନ୍ ସମାଦାନ୍ ଆଃଡିଙ୍ଗ୍‌ଏ । ପରମେସର୍ ମୁଇଁ ଆଃ  
 ମ୍ମାଃ ଇଃସାଙ୍ଗ୍ । ମେଁ ଇଃସାଙ୍ଗ୍‌ଇଁନେ ଇଃସାଙ୍ଗ୍ ବାରି ମାପୁଇଁନେ  
 ମାପୁ । ୧୬ ପରମେସର୍ ଅମର୍ ଡିଙ୍ଗ୍‌ଲେକେ । ପରମେସର୍ ଅଃକେନ୍  
 ତାରକିଗ୍ ବିତ୍ରେ ବାସା ଲେଃକେ ଜାଣ୍ଡେ ରେମୁଆଁ ମେଁନେ ଡାଗ୍ରା ଝେ  
 ଆୟା ଆର୍ ଶୁ । ଜାଣ୍ଡେ ଅଃନାଡିଗ୍ ପରମେସର୍‌କେ ଆକେ ଆର୍‌କେ  
 ଶୁ । ଜାଣ୍ଡେ ଅଃନା ପରମେସର୍‌କେ ଡିଗ୍ କିକେ ଆୟା ଆର୍‌ଏ ଶୁ  
 । ପରମେସର୍ ଗୌରବ୍ ବାରି ବପୁ ମାଡାନେ କାଲ୍ ଜାକ ନ୍‌ଲେ ।  
 ଆମେନ୍ ।

୧୭ ଏନ୍ ମଞ୍ଚପୁର୍‌ନ୍ନିଆ ଜିନିସ୍‌ପତର୍ ଜାଣ୍ଡେଇଁ ସାଉକାର୍  
 ଆମେଇଁକେ ଗରବ୍ ଆଡିଙ୍ଗ୍ ନ୍‌ସା ତରକ୍ ଆଡିଙ୍ଗ୍‌ବିପା ।  
 ଆମେଇଁକେ ଆଦେସ୍ ବିଚେ ବାସଙ୍‌ପା । ଆର୍‌ଜେ ବକ୍ଲେ ଦନ୍  
 ସମ୍ପତିକେ ଆସା ଆଡିଙ୍ଗ୍‌ଚେ ମେଇଁ ସାପାନେ ମୁଲ୍‌ଦାତା ଇସ୍‌ପର୍‌ନେ  
 ଆଡାତ୍ରା ଆସା ବପା; ଇଡିଙ୍ଗ୍ ଚଙ୍ଗ୍ ନ୍‌ସା ନେ ସାପା ବିସୟ୍ ମେଁ  
 ଆନେକେ ବିଏ ୧୮ ସାଉକାର୍ ରେମୁଆଁଇଁକେ ବାସଙ୍‌ପା ଜେ ମେଇଁ

☆ ୬:୧୩ ୬:୧୩ ଜହନ୍ ୧୮:୩୭.

ନିମାଣ୍ଡା କାମ୍ ତିଙ୍ଗୁଆରଲେଃ । ଆମେଇଂକେ ବାସଙ୍ଗପା ଜେ ନିମାଣ୍ଡା କାମ୍ ତିଙ୍ଗୁନେ ବାନ୍ ମେଇଂ ସାଉକାର୍ ତିଙ୍ଗୁଲେଃ । ୧୯ ଦେଡ଼ରକମ୍ ତିଙ୍ଗୁଚେ ମେଇଂ କିତଂନ୍ନିଆ ନିଜର୍ ନ୍‌ସା ସମ୍ପତି ରାଃସିଙ୍ଗୁ ବଲେ । ଆତେନ୍ ସମ୍ପତି ତିଙ୍ଗୁକେ ମୁଲ୍ ପାଣ୍ଡୁସୁନ୍ ଆତେନ୍ ଆଡ଼ାଡ଼ା ମେଁଇଂନେ ବବିଷ୍ୟତ୍ ଜିବନ୍ ତୁଆଁ ଯାଏ । ତେଲା ମେଇଂ ସତେଆ ପାରାନ୍‌ନ୍ନିଆ ଅଦିକାର୍ ତିଙ୍ଗୁଆର୍ଏ ।

୨୦ ଅ ତିନି ଡଃ ଆନାକେ ଦାଇଡ଼ ବିବକେ ଆତେନ୍ ସାପା ପାଲନ୍ ତିଙ୍ଗୁ । ପରମେସର୍ ଡାଗ୍ରା ପାଙ୍ଗୁ ଆଲେଃକ୍ଲେ ଦଦିଆ ସାମୁଆଁ ବାସଙ୍ଗ ମ୍ୟାକ୍ଲେ ରେମୁଆଁଇଂ ବାନ୍ ସ୍ଲୁ ଲାଲାପା । ସତ୍ ବିରଦ୍‌ରେ ଅଡ଼କା ଅଡ଼କି ତିଙ୍ଗୁମ୍ୟାକ୍ଲେ ରେମୁଆଁଇଂ ବାନ୍ ସ୍ଲୁ ଲାଲାପା । ଏନ୍‌କେ ମେଇଂ ମିର୍ ବୁଦି ଡାଗ୍ରଚେ ବାସଙ୍ଗଆର୍ଏ । ମାତର୍ ଆକେନ୍ ସତେଆ ବୁଦି ଶୁ । ୨୧ ଗଡ଼େଅ ତିନି ଡଃ, ନା ଆଡ଼ାଡ଼ା ବିଃନ୍ନ ଦାଇଡ଼ ସତ୍ ବାବ୍‌ରେ ପାଲନ୍ ତିଂ । ଉଡ଼ି ରେମୁଆଁ ବାସଙ୍ଗଏ ଜେ, ଆମେଇଂକେ ଆତେନ୍ ବୁଦି ଲେଃକେ । ମେଇଂ ସତ୍ ବିସ୍‌ବାସ୍‌କେ ଆନ୍ତାର୍ ବିବଆର୍‌କେ । ପରମେସର୍‌ନେ ଲିବିସ ପେ ସାପାରେନେ ଏତେ ଲେଃଲେ ।

**ସତ୍ ଗାଳି**  
**The New Testament in the Gata' language of India: ସତ୍**  
**ଗାଳି (Bible)**

copyright © 2020 The Word for the World International

Language: Didayi (Gata')

Contributor: The Word for the World International

**ସତ୍ ଗାଳି**  
**ଯାଶୁ ମାତୁରୁନେ ନି ନିଅମ୍, 2020**

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

---

PDF generated using Haiola and XeLaTeX on 21 Feb 2024 from source files dated 9 Apr 2023

cd536811-9eb4-56d5-9546-afaca24c958c